

MADISON PARK TECHNICAL VOCATIONAL HIGH SCHOOL

PULÍTICA DI ADMISONS

INTRUDUSON

Regulamentus di stadu di Massachusetts ([603 CMR 4.00](#)) ta iziji ki tudu skolas di idukason tékniko profesional (CVTE) finansiadu pa stadu y programás CVTE na skolas sekundáriu públikus dizenvolvi y implementa pulítikas di admison ki ta kunpri lei stadual y federal, bem komu diretrizis relevantis imitidus pa Departamentu di Idukason ilimentar y sekundáriu di Massachusetts y pa Departamentu di Idukason di E.U.A

I. ADMISONS

Kandidatus debi apresenta un kandidatura prienxidu y un deklarason di interes. Ora ki Madison Park Technical Vocational High School resebi mas kandidaturas du ki número di lugaris dispunível, Madison Park Technical Vocational High School fazi um sorteiu pa determina alunus pa admiti. Sorteiu ta ben admti alunus rezidentis antis di admiti kualker nau rezidentis ki sa djobi mesmu programa. Pulítika di admison di Madison Park Technical Vocational High School sta rejistradu na Departamentu di ensinu báziku y sekundáriu.

II. IGUALDADI DI OPURTUNIDADI IDUKASIONAL

Madison Park Technical Vocational High School ta aseita alunus y ta disponibilizas ses programás, priviléjius y kursus di studu sen diferenza di rasa, kor, seksu, identidadi di jéneru, relijion, nasionalidadi, orientason seksual ou difisiensia.

Madison Park Technical Vocational High School sta inpenhadu na garanti igualdadi di asesu pa tudu algen y ka ta uza notas, prezensas, ou stórikus di konduta pa determina ilijibilidadi pa ser aseiti

Kandidatura di Madison Park Technical Vocational High School sta dispunível na nos síte, <https://madisonpark.bostonpublicschools.org>, na tudu línguas. Favor kontakta nos Gabinete di admison através di número 617-635-8970 ou manda um e-mail pa jfoster2@bostonpublicschools.org si bu tiver perguntas ou mesti di ajuda pa kompleta formuláriu di kandidatura.

Madison Park Technical Vocational High School sta inpenhadu na pruporsiona opurtunidades idukativus a alunus sem-abrigu. Si bu tiver dúvidas, kontakta reprezentanti di Madison Park Technical Vocational High School através di tilifoni 617-635-8970, email Imaldonado2@bostonpublicschools.org, ou vizita Madison Park Technical Vocational High School na 75 Malcolm X Boulevard, Boston MA 02120 ku kualker perguntas.

Alunus ku difisiensia ou alunus ki ta resebi adaptasons através di um 504 podi identifika voluntariamenti pa Madison Park Technical Vocational High School pa pidi adaptasons razuável durante prusesu di kandidatura y admison.

Nem difisiensia di um alunu nem língua prinsipal di se kaza ta ben ten kualker ifeitu na aseitason na Madison Park Technical Vocational High School.

En konfirmidadi ku [regulamentus](#) di Massachusetts, a Madison Park Technical Vocational High School kria um planu ku "stratéjias diliberadus y spesífikus pa prumovi igualdadi di opurtunidades idukativus y atraí, matrikula y manti um populason studantil ki, ora ki konparadu ku alunus di turmas semelhantis na distritu di orijen, ten um perfil akadémiku y demográfiku konparável", si sta li:

- Tudu material di rekrutamentu y kandidatura e traduzidus pa prinsipal línguas maternus di Skolas Publiku di Boston
- Interpretason é forneshidu na tudu fazis di prusesu
- Alunus e rekrutadus na Skolas Publiku di Boston, skolas charter, skolas privadus y através di organizasons nau skularis, inkluidu Boys & Girls Clubs, YMCAs y kazas di kultu lokal.
- Alén di keli, tudu anus ta ben ser fetu un análizi di dadus pa garanti ki Madison Park Technical Vocational High School sta ta atraí, matrikula y manti um populason studantil ki, ora ki konparadu ku alunus atualmenti matrikuladus na

Madison Park Technical Vocational High School y na turmas semelhantis na Boston, ten un perfil akadémiku y demográfiku konparável. Si for detetadis diferensas, ta ben ser feti un análizi di mutivu prinsipl y ta ben ser tomadus mididas adekuadus.

III. ILIJIBILIDADI

Kualker alunu atual di 8º anu ou alunu ta pasa pa 9º ou 10º ki e morador na Boston podi kandidata a admison na Madison Park Technical Vocational High School. Alunus podi ser aseiti na Madison Park Technical Vocational si es tiver sidu prumovidus pa anu di skularidadi kes sa pretendi frekuenta, pelu ki es debi sta sientis ma ses admison é kondisional - si es ka passa pa anu kes sa kandidata, ses admison ta ben ser anuladu. Alunus rezidentis ki satisfazi rekizitus mínimus di admison ta ben ser admitidus antis di aseitason di kualker otu alunus nau rezidentis ki sa pretendi frekuenta mesmu programa.

Favor nota ki distritu ten planus stratéjikus pa muda strutura organizasional di Madison Park Technical Vocational High School pa um skola 7-12 komu parti di se planu pa um novu y renovadu Madison Park. A midida ki kel prusesu li ta dizenrola, skola y distritu ta ben fazi un parseria pa atualiza se pulítika di admisons di manera a refleto novu strutura di turmas

ALUNUS NAU REZIDENTIS:

Alunus ki ka ta mora na Boston podi kandidata a admison na Madison Park Technical Vocational High School. Ten em atenson ma rezidentis di Boston ki ta kunpri rekizitus nínimus di admison ta ben ser admitidus antis di kualker nau rezidentis ki sa djobi mesmu programa. Alunus y famílias podi atxa infurmasons sobri [Prugrama di prupinas pa alunus nau rezidentis di Kapítulu 74](#) online.

ALUNUS KI TEVI ENSINU NA KAZA:

Kandidatus ki studa na kaza podi kandidata a frekuenta Madison Park Technical Vocational High School a tenpiu interu y ta ben sta sujeitus a mesmus normas di admison ki otus kandidatus.

ALUNUS TRANSFERIDUS:

Alunus ki dja partisipa na programas di Kapítulu 74 na otu skola podi kandidata a admison na Madison Park Technical Vocational High School y es ta ben sta sujeitus a mesmus normas di admison ki otus kandidatus. Alunus ki dja partisipa na programas di Kapítulu 74 na otu skola podi kandidata a admison na kualker periudu di anu letivu.

XKOLHA DI SKOLA:

Skolas publikus di Boston ka ta partisipa di prugrama di xkolha di skola entri distritus. Prugrama di xkolha di skola inter-distrital [M.G.L. c. 76, § 12B](#), ta pirmiti ki pais/inkaregadás di idukason manda ses fidjus pa skolas na kumunidades diferentis di sidadi ou zona kes ta mora.

IV. STRUTURA ORGANIZASIONAL

Madison Park Technical Vocational High School, é un Skola publiku di Boston

Diretor di skola di Madison Park Technical Vocational High School é:

Dr. Sidney Brown

75 Malcolm X Boulevard

Roxbury, MA 02120

madison@bostonpublicschools.org

617-635-8970

É di responsabilidadi di direktor di Madison Park Technical Vocational High School di superviziona administrason di pulítikas y prusedimentus uzadus pa admitti y matrikula alunus, en konfirmidadi ku tudu leis, regulamentus y orientasons aplikável.

Tudu perguntas relativus a admison debi ser dirijidus a:

Jennifer Foster

Kordenador di admisons

Madison Park Technical Vocational High School

75 Malcolm X Boulevard

Roxbury, MA 02120

jfoster2@bostonpublicschools.org

617-635-8970

V. PULÍTIKAS DI KUMUNIKASON DI ADMISIONS

Madison Park Technical Vocational High School ta manti um kalendáriu di iventus na se site <https://madisonpark.bostonpublicschools.org>, undi ta da infurmasons sobri prusesu di admison, ben komu otus infurmasons sobri ses prugramas. Alunus y ses famílias podi pidi kópias inprimidus di kalendáriu ta txoma ou manda um e-mail pa gabineti di admisons na 617-635-8970 ou jfoster2@bostonpublicschools.org ou pa Servisus di Boas-vindas di skolas publiku di Boston na 617-635-9010. A Madison Park Technical Vocational High School ta partilha tanbe infurmasons di rekrutamentu ku potensial kandidatus di kel manera li:

- MPTVHS ta resebi anualmenti um lista atualizadu di tudu skolas BPS ku alunus di 7º y 8º anu
- Apresentasons e fetus na tudu kes skolas li
- MPTVHS ta fazi parti di fera di insinu sekundáriu na kada skola BPS ku alunus di 8º anu
- Kafé/almosu di konsilheru di orientason di 7º y 8º anu (dos bes pa anu)
- Feras di pais y famílias ta fazedu na MPTVHS dos a tres bes pur anu
- Vizitas di alunus/famílias sta disponível midianti pididu y podi ser ajendadus konformi diskritus li di baxu
- Alunus interesadus ten opurtunidadi di ser transportadus di se skola di 8º anu pa MPTVHS pa un vizita y un seson di infurmason
- Vídiu prumusional disponível na site

Madison Park Technical Vocational High School ta oferesi vizitas a se instalasons a kandidatus interesadus. Pa pidi un vizita, txoma ou manda email a nos direktor di komunikason stratéjiku na número 617-635-8970 ou email bcruthird@bostonpublicschools.org. Si oráriu akordadu pa un vizita giadu for duranti dia di aula di kandidatu, Gabinete di admisons ta ben konfirma skola atual di kandidatu ki e partisipa na un vizita giadu duranti kel período li.

VI. PRUYESU DI KANDIDATURA

PRUYESU DI KANDIDATURA PA ADMISON NA OUTONU NA NONU Y DÉSIMU ANU

1. Alunus interesadus na kandidata a Madison Park Technical Vocational High School pa admison na Outonu na 9º ou 10º anu debi:

Prienxi un kandidatura ki sta na site di [Madison Park Technical Vocational High School website na <https://madisonpark.bostonpublicschools.org>](https://madisonpark.bostonpublicschools.org). Alén di keli, alunus tèn di apresenta un deklarason di interesi ki ta splika pamo ki es sta ta skodji MPTVHS y modi ki es atxa ma MPTVHS ta ben djudas atinji ses objetivus futurus. Manifestason di interesi podi

asumi forma di un deklarason skritu, di un vídiu, di un prezentason di slide ou di un intrevista. Tudu material debo resebedus pa MPTVHS Admissions Office di akordu ku kel kalendáriu li.

- Primeru semana di fevereru : Prazu pa kandidata a 9^o y 10^o anu y ser ilijível pa sorteiu
- Últimu semana di fevereru : Rializason di lotaria
- Final di Marsu: Kartas di atribuison di skola mandadu pa Skolas publiku di Boston
- Veron: Lista di spera di admison y vagas pa 10^o prienxidus.

Alunus ki skodji kel furmuláriu li pa se deklarason di interesi debi inskrobi pa un vaga através di kandidatura online ou ta kontakta gabineti di admisons através di número 617-635-8970. Intrevistas ku alunus e ajendadus y fetus na um bazi kontínu dipos di resebi kandidatura ti segunda semana di fevereru.

Kumité di admisons ta ben ten en konsiderason sirkunstáncias atenuantis ki ta afeta kapasidadi di alunu pa prienxi tudu aspestus di kandidaturas.

Tudu partis di kandidatura, inkluidu deklarason di interesi, ê dispunibilizadus y podi ser prienxidus na língua maternu di kada kandidatu.

KANDIDATURAS TARDIUS/LISTA DI SPERA

Kandidatus a admison na Outonu pa 9^o ou 10^o anu ki sa kandidata dipos di data limiti ki ta kunpri kritériu mínimus ta ben ser postu na lista di spera ku bazi na data di kandidatura. Lista di spera ta ben manti en vigor duranti un anu letivu. Na final di anu letivu, kandidatus ta ben ser perguntadus ses ta gostaba di ser konsideradus pa lugaris dispunível na se turma di finalistas. Kandidatus ta ben ser konvidadus a manda otu bes ses material pa prezentason na novu sorteiu/lista di spera, si tiver lugaris dispunível.

ALUNUS TRANSFERIDUS

Alunus ki dja sta na un prugrama aprovalu pa stadu na termus di Kapítulu 74 na otu skola podi kandidata a admison na Madison Park Technical Vocational High School. Kontakta gabineti di admison através di número 617-635- 8970 ou pa email na jfoster2@bostonpublicschools.org si bu tiver dúvidas ou pa pidi un furmuláriu di kandidatura.

ALUNUS TRADUS

Alunus ki sai di Madison Park Technical Vocational High School podi volta a kandidata a admison ta sigi prusedimentus li diskritus. Kandidaturas pa riadmison ta ben ser avaliadus ku bazi na mesmus kritérius konstantis di prezenti pulítika di admison.

VII. PRUSESU DI SELESON

Ora ki número di alunus ki ta kandidata a Madison Park Technical Vocational High School for mas grandi ki lugaris dispunível, Madison Park Technical Vocational High School ta ben fazi un sorteiu di akordu ku rekizitus mínimus. Kandidatus debi konpleta kes três ilimentus mestedu (kandidatura, artefaktu, kartas di rekomendason) pa ser konsideradus pa sorteiu ki ta ben ditermina alunus a aseita. Número di alunus aseitadus na kada anu ta ben ser pa média di três anus di número di matrículas di anu pasadu, a 1 di Outubru, ki e submetidus a Departamentus di idukason ilimentar y sekundáriu di MA. Kritérius ki Madison Park Technical Vocational High School ta aplika foi aprovalus pa se kumité skular ta ben aprova uzu des kritérius anualmenti. Pulítika di admison di Madison Park Technical Vocational High School sta dispunível na site di skola y sta arkivadus na Departamentu di idukason báziku y sekundáriu di MA.

VIII. PRUGRAMAS SPLORATÓRIU

Um bes ki Madison Park Technical Vocational High School ta oferesi 5 ou mas programmas aprovaus pa stada na Kapítulu 74, Madison Park Technical Vocational High School ta oferesi un programa sploratóriu di meiu di anu pa alunus di 9º anu, ki ta bazia na idukason tékniku vukasional aplikável y na frameworks kuríkular di Massachusetts.

Prugrama sploratóriu ta divididu na tré fazi. Duranti primeru fazi, alunus e spostus a tudu programmas vukasional duranti dos primerus semana di aulas. Duranti segundu fazi, alunus ta sesiona ses seis midjor programmas prufisional y ta pasa 4 dia na kada programa. Na terseru y último fazi, alunus ta restrinji ses xkolhas a dos prinsipal opson prufisional y ta pasa 1 ½ semanas na kada un des. Inkorporadus nes programa sploratóriu sta na kompetensias transversal, ou kompetensias ki é nesésarius pa tudu programmas vukasional. Alunus ta pasa um nímu di 11 semanas ou 165 oras na sploratóriu, inkluidu 15 oras dedikadus a kompetensias transversal. Dipos di konkluzon di fazi di splorason, alunus é afetadus a se programa vukasional.

IX. ADMISON PA PRUGRAMA SPESÍFIKU

Madison Park Technical Vocational High School ta uza kel sistema li pa alunus idenfitika y inskrevi na ses programa tékniku di Kapítulu 74:

Alunus ki ta matrikula na Madison Park Technical Vocational High School ta konpleta um programa sploratóriu di tré fazi duranti primeru metadi di ses 9º anu. Alunus é spostus a tudu programmas prufisional na inisiu y es kumesa ta restrinji ses xkolhas na fazi sigintis.

- Fazi Um: Spuzison. Alunus splora dos programmas vukasional pur dia duranti dos primerus semanas vukasional.
- Fazi Dos: Top Seis. Dipos di konklui primeru fazi, alunus ta sesiona seis programmas prufisional ki es sta interesadu na splora mas. Duranti kel fazi li, es ta pasa kuartu dia na kada programa vukasional.
- Fazi Trés: Top 2. Dipos di konklui primeru fazi, alunus ta sesiona dos programmas prufisional ki es sta interesadu na splora a um nímu mas profundadu. Alunus pasa 1 ½ semanas ta splora kada programa kes sesiona.
- Na final di programa sploratóriu, alunus ta ben ter pasadu 11 semanas ou 165 óras na sploratóriu, inkluidu 15 oras dedikadus a kompetensias transversal universal.

Durantis rotason sploratóriu, profesor is ta uza um rubrika pa avalia alunus di se turma sploratóriu. Es é klasifikadus na un skala di 1 a 5 pa partisipason y pa trabadju di prujetu fetu duranti aula. Alunus tanbe ganha pontus na prienxi un rejistru rápidu ba diáriu di reflexon online pa kada rotason. Alunus tén garanti di ki es ka mesti di ser spesialistas na ninhum matéria, ma sinplismenti sprimenta kada prujetu, participa na debatis, fazi perguntas y preni ku rotason sploratóriu. Alunus é infurmadus di kes ta ganha pontus pa se partisipason puzitivu na kada rotason. Pontuason ka ta bazia na konportamentu ou na asiduidadi; y ka ta bazia na ninhun spektativa di kompetensias ou aptidons avansádu. En bes di keli, notas ta bazia sinplismenti na partisipason puzitivu na atividadi di aula. Pontuason e ajustadus di manera a ki alunus transferidus pa skola na final di semestre, ou ki ten faltas justifikadus, ka perdi pontus pa dias perdedus.

Na final di programa sploratóriu, alunus ta identifika ses top kuartu di xkolhas, ordenadus di 1º ti 4º xkolha. Funson di atribuison é automatizadu y ta kumesa ku um lista di alunus, ordenadu di nota mas altu pa mas baxu. Ta izisti tanbe um lista di programmas, ku número di lugaris dispunível. A midida ki funson perkori lista di alunus, pa kada alunus, funson ta odja primeru xkolha. Si tiver um vaga dispunível, alunu é atribuídu a kel programa la. Si nau funson ta analiza segundu opson Si tiver um vaga dispunível, alunu é atribuídu a kel programa la. Si nau funson ta analiza terseru opson Si tiver um vaga dispunível, alunu é atribuídu a kel programa la. O Si nau funson ta analiza kuartu opson Si tiver um vaga dispunível, alunu é atribuídu a kel programa la.

X. PRUSESU DI REVIZON Y REKURSU

Si Madison Park Technical Vocational High School ka aseita un kandidatu ou pol na um lista di spera, kandidatu ou ses pais/inkaregadus di idukason podi pidi pa koordenador di admison di Madison Park Technical Vocational High School reve kel disizon li ti primeru semana di abril. Kes pididus li podi ser fetus di sigintis maneras:

Pa email	Pa kureiu en papel ou intrega na mon
----------	--------------------------------------

jfoster2@bostonpublicschools.org	Jennifer Foster Kordenador di admisons Madison Park Technical Vocational High School 75 Malcolm X Blvd Roxbury, MA 02120
----------------------------------	--

Koordenador di admisons ta ben respondi kel pididu di revizon li pur skritu y ta ben indika si disizon di nega admison di alunu, ou di poi na lista di spera, ta manti ou ta ben ser anuladu. Pa ditermina, direktor di skola ou algén ke dezinad ta ben analiza sigintis informasons:

- Kandidatur di alunu pa ser kompletadu
- Lugar di alunu na lista di spera (si aplikável)

XI. REVIZON DI REJISTUS

Madison Park Technical Vocational High School ta manti rejistus di tudu alunus ki ta kandidata, matrikula ou sta na lista di spera, pa fasilita análizi di se sistema di admisons y kunprimentu di leis y regulamentus aplikável. Madison Park Technical Vocational High School ta ben fornesi kes informasons li a departamentu ora ki pididu.